

AR MEVEL BRAS

YEZ LEON

Kan bale.




Sel - lit du - hont é kreiz ar prad, o




gé, o gé, sel - lit du - hont é kreiz ar




prad, sel - lit du - hont é kreiz ar



prad ti ni - na ni - na tra la la



la la la. Sel - lit du - hont é kreiz ar



prad, ar me-vel bras o la - bour - at.

Sellit du-hont é kreiz ar prad

O gé ! O gé !

Sellit du-hont é kreiz ar prad

Sellit du-hont é kreiz ar prad
Ti nina nina tra la la la la !
Sellit du-hont é kreiz ar prad
Ar mevel bras o labourat.

2

Deut eo ar c'houlz da droc'ha foenn
Ar falc'h a red dre ar flourenn.

3

Tom eo an heol, hag eb ehan,
Ar falc'h a red, a red buhan.

4

Betek e c'hlin en drevad glas
C'houezi a ra ar mevel bras.

5

E falc'h dir a zo lemnet mad
A stok e kouez ar geot er prad.

6

Ar bokedou melen ha glas
A c'hoarniz treid ar mevel bras.

7

Ar bokedou melen ha ru
A c'hoarniz e hent a bep tu.

8

An heol, en nenv, zo splann ha brao
Redit falc'h dir, redit atao.

9

Leun eo ar prad a foenn troc'hed
Arc'hant d'ar mestr, boued d'al lònéd.

10

Boued d'al lònéd, d'ar mestr danvez,
D'ar mevel bras, henor ivez.

11

Henor ha joa d'ar mevel bras
Ti ha tachenn abenn varc'hoas.

12

Ar mevel bras ti a gavo
Hag eur vestrez dal ma karo.

13

Rak ar merc'hed a zell outan
Pa dremenont ebiou dezan.

14

Dre an hent kuz pa dremenont
Eur zellik warnan a daolont.

15

Mari-Josef a zo chomet
Dre kein ar c'harz evit sellet.

16

Dre kein ar c'harz, eun hanter her
Hi a spias al labourer.

17

Hag en noz-ze araok kousket
E lavaras eur chapelet.

18

Eur chapelet a lavaras
'Viñ veza gwreg ar mevel bras.

19

Redit falc'h dir, ha rexit ter,
Ho Mestr c'houi a vô gwerzet ker.

20

Ho Mestr c'hui e peder farrez,
A c'hello dibab e vestrez.

21

Rak an holl er vro a lavar
« Job a vô eun tiek heb par ! »

22

Va mevel eme ar Penn-ti
A zo gwellan pôtr hor bro-ni.

23

Krenv a zivreac'h, a galon reiz,
Va mevel a zo henor Breiz !

AR MEVEL BIHAN.

Bet moulet war « Dihunamb », war « Feiz ha Breiz », kanet gant POTRED SANT-NOUGA e PLOUGASTEL da zeiz GOUEL AR BLEUN-BRUK, 17 A VIZ GWENGOLO 1908.